

¡BOMBA!

Ya se dijo hasta el fastidio,
y duele la paradoja:
Aquí la vida se antoja,
hasta cometer suicidio



K'intsil

Lunes 18 de agosto de 2025

CAMPECHE · YUCATÁN · QUINTANA ROO · AÑO 11 · NÚMERO 2544 · www.lajornadamaya.mx

Ich óotsilil, beey kuxa'an ka'atúul ti' lalaj óoxtúul máak t'anik máasewal t'aan tu lu'umil México



Clara Zepeda / p 24
Oochel Fernando Eloy

Tu noj lu'umil Méxicoe', máaxo'ob kuxa'an ichil ba'ax k'ajóolta'an beey pobreza multidimensional, máako'ob t'anik je'el ba'axak máasewal t'aan, ts'o'oke' ko'olel maas jach óotsil yaniko'ob, beey úuchik u ts'aabal k'ajóoltbil tumen Instituto Nacional de Estadística y Geografía (Inegi). U porcentajeil nojoch wíinik ma' ya'ab taak'in yaan ti'obe' maas jump'iit ti' le promedio yaan tu lu'umil Méxicoo'.

Ichil ba'ax a'alab tumen Inegie', kajnáalo'ob t'anik máasewal t'aane' kuxa'an ich óotsilile' k'uch tak 5.3 millonesil máak tu ja'abil 2024, ts'o'oke' tu béeyili' úuchik u páatal tu ja'abil 2018. Le je'ela' ku chiikbesik u 66.3 por cientoil ti' tuláakal kajnáalo'ob yaan México, maanal ka'atéen u promedioil ichil tuláakal le paísó, tumen ti' le je'elo' xoka'ab 29.6 por ciento, tu ja'abil 2024.

Tu noj lu'umil Méxicoe', 2.9

millonesil ko'olel kuxa'an ti' máasewal kaaje', jatsa'ab ichil máako'ob kuxa'an ich pobreza multidimensional, tu ja'abil 2024. Le je'ela' ku tukulta'al yanchaj yóok'olal jejeláas ba'alo'ob láayli' u yila'al te'el najo'obo', je'el bix beyka'aj ku náachtal u xook máak, uk'be'en ja' yéetel u ts'aatáanta'al u toj óolal wíini, ichil uláak' ba'alo'ob. Ka'alikile', tu ja'abil 2018e', yanchaj 2.7 millonesil óotsil máak.

Beey túuno', 67.4 por ciento tuláakal ko'olel kuxa'an ich óotsilil; xiib beey yanik0', ku chukik 65.2 por ciento.

Paalal yéetel táankelema'ob, máaxo'ob ma' u chuk 17 u ja'abile', xoka'an yaan 38.7 por ciento kuxa'an ich pobreza multidimensional; lela' u k'áat u ya'alej, maas ya'ab óotsil máak yaan wa ku ke'etel yéetel u promedioil ichil tuláakal México, rumen ti' le je'elo' k'ucha'an tak 29.6 por ciento.